

**Broj: 06-03-101-04/9/17**  
**Mostar, 17.03.2017. godine**

Na osnovu člana 21., člana 37., člana 42., člana 84., člana 87. stav (1) i stav (2), člana 88. stav (1) i člana 93. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40. stav (1) tačka c) i člana 43. stav (1) Pravilnika za izdavanje dozvola („Službene novine Federacije BiH“ broj 2/17), člana 11. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izmjenu i dopunu dozvole za rad broj 06-03-101/9/17 od 25.01.2017. godine, podnosioca zahtjeva DF GRADNJA d.o.o. Konjic, Maršala Tita br. 49, Konjic, u postupku izmjene i dopune Dozvole za rad za proizvodnju električne energije broj 06-03-866/29/14 od 14.04.2015. godine, sa novim proizvodnim objektom hidroelektranom „Veliki duboki potok“, Regulatorna komisija za energiju u Federaciji Bosne i Hercegovine – FERK je dana 17.03.2017. godine na VI redovnoj sjednici donijela sljedeće

## **R J E Š E N J E**

1. Dozvola za rad za proizvodnju električne energije broj 06-03-866/29/14 od 14.04.2015. godine izdata Rješenjem broj 06-03-866-22/29/14 od 14.04.2015. godine imaocu dozvole DF GRADNJA d.o.o. Konjic mijenja se i dopunjuje, te glasi kao u prilogu koji je sastavni dio ovog rješenja.
2. Utvrđuje se DF GRADNJA d.o.o. Konjic, status kvalifikovanog proizvođača i u proizvodnom objektu hidroelektrani „Veliki duboki potok“, u periodu važenja dozvole iz tačke 3. ovog rješenja.
3. Dozvola za rad izdaje se na period do 13.04.2020. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1.i 3. ovog rješenja.
5. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

## **O b r a z l o ž e n j e**

Dana 25.01.2017. godine FERK je od podnosioca DF GRADNJA d.o.o. Konjic pod brojem 06-03-101/9/17 primio Zahtjev za izmjenu i dopunu dozvole za rad, te 06.02.2017. godine pod brojem 06-03-101-01/9/17 i 16.02.2017. godine pod brojem 06-03-101-02/9/17

dopunu istog zahtjeva, u postupku izmjene i dopune Dozvole za rad za proizvodnju električne energije broj 06-03-866/29/14 od 14.04.2015. godine, sa novim proizvodnim objektom hidroelektranom „Veliki duboki potok“. Navedeni zahtjev je podnesen u skladu sa obavezom iz člana 4. Pravilnika za izdavanje dozvola da lica koja žele obavljati djelatnost proizvodnje električne energije u okviru FERK-ove nadležnosti imaju obavezu podnijeti zahtjev za izdavanje dozvole, te je članom 40. stav (1) tačka c) propisano da se izmjene i dopune dozvole, po zahtjevu imaoca dozvole, mogu izvršiti u slučaju izgradnje novih proizvodnih objekata i/ili promjene tehničkih karakteristika postojećih proizvodnih objekata potrebnih za obavljanje licencirane djelatnosti za koju je postojeća dozvola za rad izdata. Članom 43. stav (1) Pravilnika za izdavanje dozvola je propisano da se postupak obnove, izmjene i dopune, oduzimanja i prenosa dozvole, osim prenosa dozvole za rad iz člana 41. stav (1) tačkom a) ovog pravilnika, vodi na isti način kao i postupak izdavanja dozvole.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev potpun u smislu člana 12., člana 20. i člana 21. Pravilnika za izdavanje dozvola i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, a polazeći od člana 43. stav (1) istog pravilnika pripremio Nacrt dozvole za rad za proizvodnju električne energije po zahtjevu broj 06-03-101/9/17 od 25.01.2017. godine, podnosioca DF GRADNJA d.o.o. Konjic. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-101-03/9/17 od 24.02.2017. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 24.02. godine do 06.03.2017. godine do 16:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješača na adresu FERK-a ili na elektronsku adresu, u periodu od 24.02. godine do 06.03.2017. godine do 16:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 06.03.2017. godine do 16:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješača.

Na osnovu obrade Zahtjeva za izmjenu i dopunu dozvole podnosioca DF GRADNJA d.o.o. Konjic i dokumentacije priložene uz zahtjev, izvršena je izmjena i dopuna Dozvole za rad za proizvodnju električne energije broj 06-03-866/29/14 od 14.04.2015. godine, sa novim proizvodnim objektom hidroelektranom „Veliki duboki potok“. Predmetna dozvola za rad je izmijenjena i dopunjena u skladu sa zahtjevom podnosioca, te da je ranija dozvola izdata po odredbama Pravilnika za izdavanje dozvola („Službene novine Federacije BiH“ broj 43/14), a ista se mijenja i dopunjuje po odredbama Pravilnika za izdavanje dozvola („Službene novine Federacije BiH“ broj 2/17) FERK je ocijenio da je opravdano izvršiti određena usklađivanja dozvole za rad sa odredbama novog

Pravilnika za izdavanje dozvola, sa tim da je period važenja dozvole za rad ostao nepromijenjen. Postavljeni uslovi, u skladu sa članom 26. i članom 27. Pravilnika za izdavanje dozvola, stvaraju obavezu DF GRADNJA d.o.o. Konjic da u rokovima propisanim u tim uslovima dozvole za rad za proizvodnju električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Mile Srdanović, s.r.**